

Bem Charls ond be de Lady Di duets nömme harmoniere
well er jetz met`ere andere tuet telefonaniere
fress nor het Diana gseit onderem Haag dis Fueter
scheide tueni secher ned be sonere riiche Schwiegermueter

En Ferneboss vo Zöri seit zo sim Verwaltigsrot
ame Mettag vor de Zwölfe was, eschs wörkli scho so spot
jetz muessi aber dregend go z`Mettag send er elei
well ich sett nähmli ombedengt of es Spröngli zo de Gantebei

Als för de Setz vom Felber Rene d`Brunner duet kandidiere
duet`me via Medie e Schlammschlacht enszeniere
damet so öppis s`nächste mol nömme cha passiere
müesst`me halt vo afang här e Nonne nominiere

Spot chonnt si aber si chonnt d`Fraue händ denoh gfleht
ändli jetze d`Fortsetzig vo "Vom Winde verweht"
ond die erschte s`Zene devo wo speled em Freye
die esch`me of Japan schiends a d`Schie-Wm go dreye

Woni s`letscht mol bem Ichaufe ha loscht of Chäs verspürt
do beni bem Migro grad an Chässtand anegstürt
ond säg zor Verchäuferei woni de cha bstelle
ich hätti gärn 300 gramm vom Franz Heinzer welle

S`het eus de Päuli Accola idröcklech demonstriert
säbmol det em Wetten-Dass wieme met`eme Bagger handiert
jetz nach em nei vom EWR wotten de Bondesrot angaschiere
damet er met sim Menzi-Muk wörd go de Röstigrabe saniere

Zersch hets Dach vom Schuelhus gseicht oh herjemineh
drofabe em letschte Johr das vom Zentrom Lee
damet mer e paar Johre ned weder es Leck müend sechte
wörd ich grad vo vornherein bem Altersheim ofs Dach verzechte

Du z`Rinike do chame jetz neuerdengs no wähle
be wellere Coiffeuse me wot sini Hoor go strähle
konkuränz beläbt das Gschäft wärded ehr jetz säge
nor was bringt das gottfredstotz dene wo e Glaze träge

De Hueber got s`got au der Strauss sogar de Achermaa
hei de Chrapf bes mer weder 3 Nachfolger wärded ha
wer euse Gmeirot en Fuessballklub de chönnte mer frohlocke
well de wörde mendestens no 3 of de Ersatzbank hocke

De Hueber goht kein Läserbrief cha en me omstemme
well er jetz als Grossrot wott Politikariere erklemme
Hueber Werni mach witer so chani dech nor lobe
den fend`di gli als Bondesrot ofem Kaffirahmdeckel obe

De Schuelhusabwart ond de Gmeindsarbeiter chrapfpe wiene more
em Uftrag vo eusere Gmei ond das sed vellne Johre
hengäge eusi Finanzverwalter säged ned jetz blöff`er
die chönde emmer? nei ned emmer, aber emmer öfter

Der Komedi⁹³

Wänd er me bsueche? Ich be dehei onder „www.komedi.ch“